

S. D. N.  
D. PAVLI

DIVINA PROVIDENTIA  
PAPAE V.

REVOCATIO

Licentiarum ingrediendi Monasteria Monialium  
saecularibus mulieribus haecenus  
concessarum.



ROMAE, Ex Typographia Camerae  
Apostolicae MDCXII.

S. D. M.  
D. P. A. V. L. I.

DIVINA FAMILIARITAS  
P. A. V. L. I.  
REVOCATIO

Instrumentum interfectum in diebus  
fiscis non subdignum nullis  
conferentibus.



Instrumentum interfectum in diebus  
fiscis non subdignum nullis  
conferentibus.

# PAVLVS PAPA V.



DE FUTVRAM REI MEMORIAM.

Monialium statui, quæ secularia desideria abnegantes, Dei obsequio sese addixerunt, pastorali sollicitudine consulere cupientes, ad ea remouenda, quæ religiosam earum quietem, & regularem obseruantiam perturbare dignoscuntur, curam nostram libenter intendimus, prout in Domino conspiciamus salubriter expedire. Quoniam itaq; sicut accepimus, experientia compertum est, non leuiâ incommoda licentias ingrediendi monasteria Monialium mulieribus secularibus concessas dictis Monialibus inferre. Nos malis huiusmodi opportuno remedio providere volentes; Motu proprio, & ex certa nostra scientia, deq; Apostolica potestatis plenitudine, omnes, & singulas licentias ingrediendi monasteria Monialium, ubiq; locorum existentem, ac cum Monialibus conuersandi, & refectionem sumendi corporalem mulieribus cuiuscunq; status, gradus, & conditionis existentibus, etiam Marchionali, & Ducali dignitate fulgentibus, sub quibuscumque verborum formis, & tenoribus, ac cum quibusuis etiam derogatorijs derogatorijs, alijsq; fortioribus, & efficacioribus, ac insolitis clausulis, necnon irritantibus decretis ad tempus, vel in perpetuum à Prædecessoribus nostris Romanis Pontificibus, & etiam à Nobis concessas, quarum tenores, ac si de verbo ad verbum insererentur præsentibus haberi volumus pro expressis, Apostolica auctoritate, tenore præsentium reuocamus, cassamus, & irritamus, ac reuocatas, cassas, & irritas esse decernimus. Inhibentes mulieribus prædictis licentias huiusmodi habentibus sub excommunicationis latæ sententiæ pœna, à qua non nisi à Nobis, seu Romano Pontifice pro tempore existente, præterquam in mortis articulo, absolui possint, ne monasteria prædicta prætextu licentiarum huiusmodi ingredi audeant, seu præsumant; ipsorum verò monasteriorum Abbatissis, seu Priorissis, ac Superioribus, sub eadem, ac priuationis suorum officiorum quæ obtinent, & inhabilitatis ad illa in posterum obtinenda ipso facto sine alia

alia declaratione incurrēdis pēnis, ne eas introducere seu admittere, vel admittas quoquomodo retinere audeant, seu præsument. Quocirca dilectis filiis nostris, & Apostolicę Sedis pro tempore existentibus Nuncijs, ac Locorum Ordinarijs, necnon dictorum Monasteriorum Prælatis, & Superioribus præcipimus, & mandamus, quatenus præsentēs litteras publicari, & præmissa omnia observari faciant; Contradictores quoslibet, ac præmissis non parentes per prædictas, & alias sententias, censuras, & pœnas, aliasq; iuris & facti remedia opportuna, appellatione postposita compescendo: inuocato etiam, si opus fuerit, auxilio brachij secularis. Non obstant præmissis, ac quibuscumq; Constitutionibus, & ordinationibus Apostolicis, ceterisq; contrarijs quibuscumq;. Quia verò difficile foret has litteras ad omnia loca deferri, Volumus quòd earum transumptis etiam impressis manu alicuius Notarij publici subscriptis, ac sigillo alicuius personę in dignitate Ecclesiastica constitutę munitis eadem prorsus fides adhibeatur, ac si essent exhibitę vel ostensę. Dat. Romę, apud Sanctum Marcum sub Annulo Piscatoris die 10. Iulij. MDCXII. Pontificatus Nostri Anno Octauo.

S. Cobellutius.

Anno à Natiuitate Domini Nostri Iesu Christi Millesimo sexcentesimo decimo-secundo, Indictione decima, Pontificatus Sanctissimi D. N. D. PAVLI Divina Providentia Papę Quinti, anno eius Octavo, die verò xij. Mensis Iulij. Retroscriptę Litterę affixę, & publicatę fuerunt ad Valvas Basilicę Principis Apostolorum de Urbe, ac in acie Campi Florę per me Brandimartem. Latinum Apostolicum Cursorem.

Virginus de Virginijs pro Mag. Curf.

